



Broj: UP1-05/1-27-021193/15
Tuzla, 02.10.2015. godine.

Ministarstvo trgovine, turizma i saobraćaja Tuzlanskog kantona rješavajući po zahtjevu prijevoznika „BRAĆA M“ d.o.o. iz Srebrenika za brisanje autobuske stanice na redu vožnje kantonalne autobusne linije SREBRENİK - SIMIN HAN (A.S. „ISTOK“) na osnovu člana 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra ("Službeni novine FBiH", br. 79/13, 91/14 i 98/14) i člana 200. Zakona o upravnom postupku („Službene novine FBiH“, br. 2/98 i 48/99), donosi

RJEŠENJE

1. Prijevozniku „BRAĆA M“ d.o.o. iz Srebrenika **ODOBRAVA SE** brisanje „Autobuske stanice Zapad“ upisane u stari red vožnje na kantonalnoj liniji **SREBRENİK - SIMIN HAN (A.S. „ISTOK“)** sa vremenom polaska iz Srebrenika u 06,10; 07,15; 10,15; 11,30; 16,55 i 18,00 i vremenom povratka iz Simin Hana u 08,45; 09,30; 11,45; 14,20; 15,00; 18,00 i 19,10, a koji je zaveden u registar kantonalnih redova vožnje pod brojem: 4/2012 od 01.10.2012. godine.
2. U skladu sa tačkom 1. ovog rješenja izvršiti ovjeru reda vožnje i itinerara sa rokom važenja do 31.03.2016. godine.
3. O izmjeni reda vožnje na navedenoj liniji prijevoznik je dužan obavijestiti autobuske stanice koje ima upisane na registrovanom redu vožnje.

Obrazloženje

Prijevoznik „BRAĆA M“ d.o.o. iz Srebrenika obratio se zahtjevom broj: 50/15 od 24.07.2015. godine, dopunom zahtjeva broj: 41/15 od 16.09.2015. godine, kojim traži da mu se na kantonalnoj autobuskoj liniji SREBRENİK - SIMIN HAN (A.S. „ISTOK“), zavedenoj u registar kantonalnih redova vožnje pod brojem 4/2012 od 01.10.2012. godine, odobri promjena, tj. brisanje „Autobuske stanice Zapad“ koju ima upisanu u registrovanom redu vožnje.

U skladu sa članom 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra u registracijskom periodu, izvan postupka koji je regulisan ovim Pravilnikom, mjerodavno tijelo koje vodi Registar može vršiti promjene na registrovanom redu vožnje, tako da taj red vožnje u odnosu na usaglašeni i registrovani red vožnje ima status starog reda vožnje sa statusnom promjenom.